

STARFSSKÝRSLA SAMBANDS ÍSLENSKRA KRISTNIBOÐSFÉLAGA



2014
-
2015



LÖGÐ FRAM
Á AÐALFUNDI
13. MAÍ 2015

EFNISYFIRLIT

1. ALDJÓÐASTARF 3

Eþíópía

Kenía

Japan og Suðvestur-Asía

Fjölmiðlastarf

2. INNANLANDSSTARF 6

Störf stjórnar og starfsmenn á heimavelli

Kynning og tengsl innanlands

Kristniboðsvika

Mótshald

Kristniboðssalurinn

Basarinn

Biblískóli SÍK

Stefnumörkun

Ferðir til kristniboðslandanna

3. ÚTGÁFA OG KYNNINGARMÁL 8

Kristniboðsfréttir

Bjarmi

Kristniboðspósturinn

Almanakið

Vefsíðan www.sik.is

Bókaútgáfan Salt ehf.

4. SAMSTARFSVERKEFNI 9

Samstarfssamtök

Lindin og samkirkjulegt starf

Mannúðarsamtök

í þróunarsamvinnu

5. FJÁRMÁL OG SKRIFSTOFA 10

Skrifstofa og afgreiðsla

Basarinn

Fjármál

ÞAKKARÖÐ 11

INNGANGUR

Enn eitt starfsár Kristniboðssambandsins er að baki. Starfið heldur áfram að vaxa og breiðast út til nýrra svæða og ný verkefni blasa við. Á árinu hefur ótalfjöldi heyrt fagnaðarerindið um kærleika Guðs í Jesú Kristi eða notið kærleikspjónustu kristniboða og samstarfsaðila okkar með einhverjum hætti. Við komum á framfæri þökkum til allra sem, með einum eða öðrum hætti, hafa stutt starfið eða einstök verkefni þess.



UMSJÓN: RAGNAR GUNNARSSON

HÖNNUN OG UMBROT: HERMANN INGI RAGNARSSON

1. ALÞJÓÐASTARF

ERÍÓPÍA

Á rúmum 60 árum hefur fjöldi kristniboða starfað í þjónustu SÍK í Eríópíu. Þrátt fyrir að hafa ekki fasta kristniboða í landinu eins og er styður Kristniboðs-sambandið við bakið á starfinu í suðvesturhluta landsins með margvíslegum hætti.

Kirkju- og safnaðarstarf

SÍK styrkir ýmis verkefni á vegum kirkjunnar, svo sem þýðingu Biblíunnar yfir á tungu Tsemai-manna sem búa í Voítódalnum. Þar styrkir SÍK einnig fjárhags-lega umfangsmikið boðunarverkefni til nýrra staða. Í Ómó Rate hafa íslenskir kristniboðar tekið þátt í boðunarstarfi og safnaðaruppbyggingu á liðnum árum. Kristniboðarnir Ingibjörg Ingvarsdóttir og Jónas Þórisson dvöldu þrjá mánuði í Eríópíu í haust til að fylgja eftir því starfi sem þar hefur verið unnið á liðnum árum. Lengst voru þau í Konsó þar sem þau störfuðu m.a. á sínum tíma. Heimsókn kristniboðanna var þeim uppörvun og hvatning. Kirkjuforystan í Konsó vill ekki að við gleymum þeim.

Meðal annarra verkefna í landinu er styrkur við nemendur presta- og leiðtogaskóla kirkjunnar í Addis Abeba og rekstur biblíu- og kristniboðsskólans í Awasa. Við vonumst til að fá kristniboða sem vilja starfa í Eríópíu sem fyrst.

Dróunarverkefni

Lestrarverkefnið í Ómó Rate hefur nú staðið yfir í sjö ár og miðar að því efla lestrarþekkingu almennt og að kenna fólki að kenna öðrum að lesa. Verk-



Evalyn Lotoliatum heldur utan um fjármál og bókhald kirkjunnar í Pókot



Júlíus Lokir er einn kristniboðanna okkar í Keníu sem starfar fyrir útbreiðsluverkefni kirkjunnar í Pókothéraði

efnið Af götu í skóla fór af stað í lok árs 2007 og hefur gengið vel. Um 30 börn og fjölskyldur fá hjálp til að koma í veg fyrir að börnin betli á götum höfuðborgarinnar Addis Abeba. Samstarfsaðilar SÍK í þessu verkefni eru samtökin Hope For Children og My Sisters.

Benedikt Jasonarson 1928-2015

Benedikt Jasonarson kristniboði lést í janúar en hann var einn af frumkvöðlum starfsins í Konsó á sínum tíma. Hann og Margrét Hróbjartsdóttir eiginkona hans héldu fyrst til Eríópíu árið 1957 en voru síðast við störf í Eríópíu á 10. áratug liðinnar aldar. Blessuð sé minning Benedikts.

KENÍA

Norðvesturbiskupsdæmi ELCK, Evangelísk lútersku kirkjunnar í Keníu, er samstarfsaðili okkar og starfssvæðið Pókothérað og nærliggjandi sveitir og héruð í Keníu. Hjónin Kjellrun Langdal og Skúli Svavarsson dvöldu síðastliðið haust í tæpa þrjá mánuði í Kapenguria og tóku þátt í fræðslu á biblíuskólanum, héldu námskeið og sinntu ráðgjöf víðar um héraðið. Framkvæmdastjóri SÍK og Hermann Bjarnason gjaldkeri Kristniboðssambandsins heimsóttu Pókot-



hérað seinni part vetrar til að fylgja eftir skólaverkefnum, útbreiðsluverkefni kirkjunnar og veita ráðgjöf um fjármál um leið og bókhald okkar verkefna var endurskoðað.

Kirkju- og safnaðarstarf

Stærsta framlag okkar til kirkjustarfsins er stuðningur við útbreiðsluverkefni kirkjunnar en á vegum þess starfa fjórir prestar og nokkrir prédikarar sem studdir eru til náms. Starfið hefur teygst sig inn í nærliggjandi héruð og lönd. Fylgt er markvissri áætlun um að fara til nýrra staða sem flestir eru úr alfara-leið. Verkefnið teygir sig inn í Túrkanahérað, Bar-ingóhérað og Úganda.

Við vonumst til að geta sent kristniboða aftur til Kapenguria en meðan við höfum ekki fólk viljum við senda sjálfboðaliða eða kristniboða til starfa í styttri tíma í senn til að sinna fræðslumálum og ráðgjöf.



Samkoma á landamærum Keníu og Úganda

Dróunarverkefni

Kirkjan hefur í samstarfi við kristniboðssamtök og þróunarstofnanir á Norðurlöndum byggt um 80 grunnskóla í Pókothéraði og fimmtán framhaldsskóla, sem eru ekki allir fullbyggðir. Skólaganga hefur margt gott í för með sér og ýtir m.a. undir jákvæða þróun samfélagsins og lýðræðishugsun. Vandinn er hins vegar sá að framhaldsskólanámið kostar sitt og fjölskyldur kosta oft miklu til og selja bæði búfenað og land til að greiða fyrir nám barna sinna. Von okkar er að geta stutt frekar við þennan þátt starfsins. Við höfum stutt börn og unglinga til náms en flestir styrkirnir eru gefnir af einstaklingum hér til einstaklinga eða fjölskyldna úti. Við hlupum undir bagga með barnaheimili kirkjunnar í Chepareria (Udom Rescue Center) í lok árs með góðum vinum sem létu sig málið varða.

JAPAN OG SUÐVESTUR-ASÍA

Upphafsár Kristniboðssambandsins á alþjóðavettvangi voru í Kína. Árið 2010 bættist Japan við sem kristniboðsland. Aðeins tæplega 1% þjóðarinnar telst kristinnar trúar. Leifur Sigurðsson, kristniboði starfaði þar ásamt eiginkonu sinni Katsuko í fjögur ár og komu þau heim í starfsleyfi í fyrra sumar. Þau halda aftur út til Japan í júlilok ásamt börnunum sínum þremur. Þau munu búa og starfa í Rocko Island.

Tjaldgjörðarkristniboð

Aðalfundur samþykkti fyrir þremur árum að stíga skref í átt að vaxandi tjaldgjörðarkristniboði sem byggir á því að fólk fer til starfa en sér sjálfa sér farborða. Það sinnir kristniboði í frítíma sínum sem sjálfboðaliðar. Hluti af því er samstarf við hjónin Noru og Gísli Jónsson sem starfa við ráðgjöf og baráttu gegn mansali í Búlgaríu. Samstarfið felst í því að taka við söfnunarfé til starfs þeirra, styrkja þau lítilshattar og miðla fréttum og fyrirbænaefnum hér á landi. Kristniboðssambandið styrkti Janet Sewell kristniboða til náms í kristilegri fjölmiðlun í Bandaríkjunum en hún hefur í mörg ár starfað í Grikklandi og er nýverið komin þangað aftur til starfa á vegum Hellenistic Ministries.

FJÖLMIÐLASTARF

NOREA og Sat-7

SÍK styrkir ákveðnar sendingar NOREA-radio og samstarfsaðila til Kína. Markhópur þessara sendinga er einkum fólk á landsbyggðinni sem ekki kemst í kirkju og hefur takmarkaða þekkingu á krist-

inni trú. Framlag okkar í ár er tæp ein milljón króna.

SÍK er samstarfsaðili Sat-7, samkirkjulegs sjónvarpsstarfs í Mið-Austurlöndum og Norður-Afríku og greiðir rúmar 2 milljónir króna til starfsins í ár. Megnið af dagskránni er framleitt á heimavelli og á arabísku, tyrknesku eða farsí. Undanfarin ár hafa reynst mörgum erfið vegna stríðsástands, flóttafólks og umsvifa Ríkis íslams sem hefur haft áhrif á starf Sat-7. Með boðun og fræðslu er reynt að styrkja kirkjurnar og kristið fólk á svæðinu til að iðka trú sína í aðstæðum sem oft eru mjög erfiðar.

Fimm rásir heyra nú undir Sat-7, þar af ein sem er eingöngu með barnaefni. Sat-7 hefur tekist að fá sendingar inn á þá gervihnetti sem mest eru notaðir í Mið-Austurlöndum og nú er tyrkneska rásin send út á ríkisreknum gervihnetti. Áhorfendur eru um 15 milljónir þar af um 10 milljónir börn og unglingar.

Sat-7 er kristileg sjónvarpsstöð en nokkrir þættir eru hugsaðir til að bæta kjör og líf áhorfenda. Stundum er um að ræða dagskrárbrot í þeim þáttum sem sendir eru út en einnig eru sérstakir þættir með almennri fræðslu. Er það ekki síst til að ná til stórs hóps áhorfenda sem eru ólæsir. Einnig má nefna dagskrá sem miðar að því að styrkja vaxandi hóp einstæðra kvenna og mæðra og rjúfa einangrun þeirra.

Önnur erlend tengsl og samstarf

Kristniboðssambandið er í tengslum og samstarfi við ýmsa aðila erlendis. Helst er að nefna NLM, Norsk Luthersk Misjonssamband, en starfið í Eþíópíu, Keníu og Japan er unnið í samstarfi við það. Annað hvert ár er samráðsfundur NLM og systurhreyfinga á Norðurlöndum, en slíkur fundur var í haust í Danmörku. Samskipti við kirkjurnar í Eþíópíu, Japan og Keníu fara að mestu í gegnum NLM, en þó ekki einvörðungu. Bein tengsl eru við Konsó og Suðvestursýnúdu Mekane Yesus kirkjunnar í Eþíópíu og við Norðvesturbiskupsdæmi kirkjunnar í Pókot í Keníu.

SÍK er aðili að Nordisk Indremisjonsråd og situr framkvæmdastjóri í stjórn þess. Tveir biblíuskólanemar frá Íslandi fengu styrk frá SÍK til náms í skólum samstarfssamtakanna í vetur.

SÍK er fulltrúi Íslands í European Evangelical Missionary Alliance (EEMA). EEMA heldur fjölmennit kristniboðsmót fyrir ungt fólk, Mission-net, í Þýskalandi um önnur hver áramót, næst áramótin 2015/16.

SÍK hefur einnig í þrjú ár verið hluti af Nordisk Teltmaker Netverk með Heimamissioninni í Færeij-

um og nokkrum litlum kristniboðssamtökum á Norðurlöndum. Fundur á þess vegum var haldinn hér á landi í mars þar sem rætt var um að efla hugsunina um tjaldgjörðarkristniboð.

Ungliðahreyfing NLM, NLM Ung styrkti tengsl sín við Ísland í vetur og sendi fjögurra manna teymi til þátttöku á kristniboðsviku. Ætlunin er að gera meira í framtíðinni og sérlega gleðilegt er að um 30 ungmenni stefna að því að sækja Ungdommens Landsmöte í Noregi í sumar.

Ole Lilleheim frá Open Doors í Noregi heimsótti SÍK og Salt kristið samfélag í haust og tók þátt í samkomum í Reykjavík og úti á landi.

Framkvæmdastjóri SÍK hefur einnig átt í viðræðum við fulltrúa Campus Crusade for Christ í Sviss til að skoða hugsanlegt samstarf á ákveðnum sviðum í framtíðinni.



Nemendur við framhaldsskólann í Embo Asis



Áminning til nemenda um að stefna langt

2. INNANLANDSSTARF

STÖRF STJÓRNAR OG STARFSMENN Á HEIMAVELLI

Eftir aðalfund 2014, sem haldinn var 14. maí, sátu eftirtalin í stjórn SÍK: Haraldur Jóhannsson (2012-2015) formaður, Katrín Ásgrímsdóttir (2012-2015) varaformaður, Hermann Bjarnason (2014-2017) gjaldkeri, Pétur Ásgeirsson (2012-2015) ritari, Guðlaugur Gunnarsson (2014-2017), Kristján S. Sigurðsson (2013-2016) og Páll Friðriksson (2013-2016). Sveinbjörg Björnsdóttir og Haraldur Þórðarson voru kjörnir varamenn til eins árs. Ragnar Gunnarsson, framkvæmdastjóri Kristniboðssambandsins, hefur einnig setið fundi stjórnar. Stjórn SÍK fundaði átta sinnum á starfsárinu. Helstu viðfangsefni stjórnar voru stefnumörkun, fjármál, skipulags- og starfsmannamál, starfið á kristniboðsakrinum og starfið á heimavelli. Framkvæmdastjóri var frá því í fyrra vor fram á haust í hlutastarfi sem framkvæmdastjóri Kristisdags 2014 og minnkaði starfshlutfall sitt hjá SÍK á meðan. Aðrir starfsmenn skrifstofu og Basarsins eru Karl Jónas Gíslason, Kristín Bjarnadóttir og Kristján Þór Sverrisson í fullu starfi og Hermann Ingi Ragnarsson og Ragnheiður Arnkelsdóttir í hlutastarfi. Starfsfólkið sér um kynningu starfsins, útgáfumál, umbrot, bókhald, afgreiðslu og fjáröflun, auk annarra verkefna. Hulda Björg Jónasdóttir, Margrét Linda Kristjánsdóttir og Sólveig Lára Kristjánsdóttir hafa séð um þrif Basarsins og Kristniboðssalarins. Skúli Svavarsson hefur umsjón með samkomum sem sjálfboðaliði.

KYNNING OG TENGLS INNANLANDS

Starfsmenn SÍK voru nokkuð á ferðinni í vetur. Mestur hluti kynningar- og boðunarstarfsins fór fram á höfuðborgarsvæðinu og nágrenni þar sem ýmsir hópar, félög, kirkjur og skólar voru heimsóttir. Margar sóknir þjóðkirkjunnar voru heimsóttar í vetur þar sem boði okkar um heimsóknir var haldið vel að þeim og sinnti Kristján Þór Sverrisson þeim að mestu leyti ásamt konu sinni, Helgu Vilborgu Sigurjónsdóttur. Djákna- og guðfræðinemar heimsækja okkur í stofnanakynningum hvert vor. Útvarpsguðsþjónusta á kristniboðsdaginn var frá Ástjarnakirkju þar sem Leifur Sigurðsson kristniboði prédikaði. Kristniboðsfélög og einstaklingsaðild

Starfsmenn hafa, þegar til þeirra hefur verið leitað, tekið þátt í fundum kristniboðsfélaganna.

Þau eru grunneiningar og burðarás Kristniboðssambandsins. Þar er fólk sem biður trúfastlega fyrir kristniboðinu, gefur reglulega til þess og sinnir ýmiss konar fjáröflun og sjálfboðaliðastarfi. Kristniboðsfélögin taka flest samskot á samverum sínum, sum hafa tekið að sér að kosta ákveðna þætti starfsins, mörg þeirra standa fyrir einhvers konar fjáröflun, s.s. fjáröflunarsamkomum, kaffisölum, matarkvöldum, jólabösum, sölu jólakorta og annarra muna og fleiru. Þá má geta þess að starf hvers kristniboðshóps eða kristniboðsfélags er oft mismunandi. Sumir hittast oft, aðrir sjaldan. Sumir halda eigin samverur meðan aðrir hópar tengjast samkomum eða guðsþjónustum og taka virkan þátt í þeim þegar við á.

Í fyrra var samþykkt að SÍK og Salt kristið samfélag, sem sinnir boðun á heimavelli og reynir að ná til nýbúa með túlkun og fleiru, fari í nánara samstarf um samkomuhald á sunnudögum. Markmiðið er að ná til fleiri og vonandi getur af þessu orðið í haust.

Loks má geta þess að ýmsir vinir kristniboðsins, bæði á höfuðborgarsvæðinu og úti á landi, biðja fyrir starfinu og styðja það fjárhagslega af mikilli trúfesti, án þess að vera í kristniboðsfélagi. Allir þessir einstaklingar leggja sitt af mörkum og mynda stóra heild og bakvarðasveit starfsins sem er ómetanleg. Er þeim hér með þakkað af alhug.

KRISTNIBOÐSVIKA

Kristniboðsvikan í Reykjavík í upphafi marsmánaðar tókst vel. Undirbúningur var í höndum Ragnars Gunnarssonar, framkvæmdastjóra, Leifs Sigurðssonar kristniboða, Páls Ágústs Þórarinssonar, Gísla Friðgeirssonar, Ragnheiðar Aðalsteinsdóttur og fleiri. Samverur vikunnar voru haldnar í Kristniboðssalnum, húsi KFUM og KFUK, Basarnum og í húsi KFUM og K á Akranesi. Sérstakir gestir vikunnar komu frá NLM Ung í Noregi og sögðu frá starfi sínu þar og víðar um heim. Heimsókn þeirra var liður í þeirri ætlun að styrkja tengsl okkar við ungt fólk og efla kristniboðsköllunina þeirra á meðal.

MÓTSHALD

Árlegt kristniboðsmót á Löngumýri var haldið í júlí og voru mótsgestir mjög ánægðir. Á dagskránni voru biblíulestur, vitnisburðarstund, samfélagsstund, kristniboðssamvera og heimsókn í guðsþjón-

ustu í Glaumbæjarkirkju. Í undirbúningsnefnd voru Skúli Svavarsson og Jón Oddgeir Guðmundsson.

KRISTNIBOÐSSALURINN

Eins og undanfarin ár eru samkomur í Kristniboðssalnum á hverju miðvikudagskvöldi. Trúfastur hópur fólks sækir samkomurnar, yfirleitt 25-35 manns. Áhersla er lögð á boðun Orðsins og gott samfélag. Margar hugleiðingar á samkomum eru teknar upp og aðgengilegar á vefsíðunni okkar og You Tube. Annan hvern föstudag eru fjölskyldusamverur sem byrja með mat kl. 18. Þar hefur náðst til nýs hóps sem ekki kemur að kvöldi til. Umsjón hafa Helga Vilborg Sigurjónsdóttir og Hulda Björg Jónasdóttir. Í haust fór einnig af stað Föstudagsklúbbur fyrir 10-15 ára sem Leifur Sigurðsson sér um og hittist annan hvern föstudag. Salt kristið samfélag hefur nú samkomur í salnum á sunnudögum kl. 14.

Auk samkomuhaldsins og félagsfunda Kristniboðsfélags karla og Kristniboðsfélags kvenna, sem eiga salinn ásamt SÍK, hafa ýmsir aðrir hópar fengið salinn að láni eða á leigu, þar á meðal Kristilegt félag heilbrigðisstétta og samfélag kristinna Eþíópía sem hefur þar samverur flest laugardagskvöld. Páll Friðriksson situr í stjórn salarins fyrir hönd Kristniboðssambandsins en Kristján S. Sigurðsson og Hulda Björg Jónasdóttir fyrir kristniboðsfélögin.

BASARINN

Basarinn er ekki einungis nytjamarkaður heldur einnig starfsstöð þar sem við komumst í samband við fólk, kynnum starfið, spjöllum við það og veitum sálgæslu og bjóðum fólki að taka þátt í starfi Kristniboðssambandsins. Basarinn heldur úti Facebook síðu sem um 650 manns hafa merkt við sem ánægjuefni. Salan í Basarnum hefur aðeins dregist saman en nú er verið að skoða möguleikann á að opna útibú annars staðar á höfuðborgarsvæðinu. Sérstök Basarnefnd tók til starfa í haust en í henni sitja Ólafur Jóhannsson formaður, Hermann Bjarnason, Rúna Dráinsdóttir og Ragnhildur Gunnarsdóttir auk Karls Jónasar, umsjónarmanns.

BIBLÍUSKÓLI SÍK

Starfshópur um fræðslumál SÍK lagði í júní í fyrra til að rekinn yrði Biblíuskóli SÍK frá haustinu. Kennt var allflest miðvikudaga kl. 18-20. Þátttakendur voru um 10 talsins en nú er verið að undirbúa þriggja ára námsáætlun sem boðið verður upp á frá haustinu þannig að fólk geti tekið stök misseri eða allan tímann.

STEFNUMÖRKUN

Drjú áherslusvið voru ákveðin í fyrra sem viðfang SÍK næsta árið, þ.e. góðar samkomur fyrir alla fjölskylduna, öflugt fræðslustarf og starf með börnum, unglingum og ungmennum eða tónlistarstarf fyrir þessa aldurshópa. Biblíuleshópur unglinga og starfræksla biblíuskóla tókst vel en aðrir þættir þarfnast frekari skipulagningar eða endurmats.

Næstu starfsár er ætlunin að skoða leiðir til að fá fleiri kristniboða, efla bænalífið og kærleiks- og vináttusamfélag innan Kristniboðssambandsins.

FERÐIR TIL KRISTNIBOÐSLANDANNA

Í ágúst fór níu manna hópur ungs fólks í Krung-ferð til Eþíópíu undir fararstjórn Karls Jónasar Gíslasonar. Ferðin tókst mjög vel og efndu þau til ljósmyndasýningar í nóvember í Hinu húsinu. Nokkur þeirra báðu um að fá að fara aftur til Eþíópíu sem sjálfboðaliðar í þrjá mánuði. Stefnt er að því að þrjú þeirra fylgi Karli Jónasi í þriggja mánaða starfsferð í haust.



Ole Lilleheim frá Open Doors í Noregi heimsótti Ísland í haust



Frá Kristniboðsviku

3. ÚTGÁFA OG KYNNINGARMÁL

KRISTNIBOÐSFRÉTTIR

Kristniboðsfréttir eru prentaðar í 4500 eintökum og koma út fjórum sinnum á ári. Þær eru sendar til áskrifenda um allt land. Blaðið er mjög mikilvægur tengiliður við fjölda fólks og í blaðinu geta þau sem hafa áhuga fylgst með fréttum af starfinu. Blaðið nær víða og viðtökur eru yfirleitt mjög góðar. Kristín Bjarnadóttir er ritstjóri blaðsins. Prófaraklestur er í höndum Eddu Ólafsdóttur. Umbrot annast Hermann Ingi Ragnarsson.

BJARMI

Bjarmi, tímarit um kristna trú, kom í fyrra út þrisvar á árinu og hefur verið í eigu SÍK undanfarin ár. Salt ehf. útgáfufélag gefur út blaðið í samstarfi við SÍK. Blaðið er nú gefið út í 600 eintökum. Á vefsíðunni www.bjarmi.is eru upplýsingar um áskrift og fleira. Ritstjóri er Ragnar Gunnarsson en í ritnefnd eru Agnes T. Ragnarsson og Vigfús Ingvar Ingvarsson. Prófaraklesari er Þorgils Hlynur Þorbergsson. Umbrot er í höndum Hermanns Inga Ragnarssonar.

KRISTNIBOÐSPÓSTURINN

Tölvubréfið Kristniboðspósturinn er sent út tvisvar til þrisvar í mánuði. Í póstinum birtum við fréttir af kristniboðunum, starfinu úti og heima, tilkynningar um viðburði og fleira. Flestir einstaklingar og félagar í aðildarfélögum SÍK, sem eru með netfang, fá póstinn, auk þess getur hver sem er óskað eftir honum. Nú er hann sendur til um 240 áskrifenda. Kristján Þór Sverrisson hefur umsjón með póstinum.

ALMANAKIÐ

Kristniboðsalmanakið var gefið út í 10.000 eintökum. Hluta upplagsins var dreift í kirkjum landsins á kristniboðsdaginn og einnig í Basarnum næstu vikur á eftir. Almanakið var einnig sent með Kristniboðsfréttum til allra áskrifenda þess fyrir jólin. Með almanakinu fylgir seðill sem unnt er að nýta sér til að koma gjöfum til SÍK. Almanakið er góð kynning þar sem það hangir uppi allan ársins hring.

VEFSÍÐAN WWW.SIK.IS

Heimasíða SÍK er einnig andlit okkar út á við. Hún var uppfærð í vor til að koma betur til móts við notendur snjallsíma og spjaldtölva en sífellt fleiri nota snjalltæki til að fara á netið. SÍK er einnig með síðu

á Facebook þar sem atburðir eru kynntir og fréttum miðlað. Vinahópur Kristniboðssambandsins þar telur nú tæplega 800 manns.

BÓKAÚTGÁFAN SALT EHF.

Salt ehf er í eigu SÍK. Engar bækur voru gefnar út á starfsárinu vegna slæmrar stöðu og dræmrar sölu undanfarið. Vefsíða útgáfunnar er www.saltforlag.is.



Kristniboðsfréttir



Bjarmi



4. SAMSTARFSVERKEFNI

SAMSTARFSSAMTÖK

SÍK hefur í áratugi verið í góðu samstarfi við KFUM og KFUK og eins Kristileg skólasamtök og Kristilegt stúdentafélag. Starfsmenn hafa tekið þátt í samverum og mótum fyrir börn, unglinga og fullorðna, kynnt starfið og haft hugleiðingar og biblíulestra.

Þjóðkirkjan og kærleikspjónustusvið Biskupsstofu

Samstarf okkar við þjóðkirkjuna hefur farið vaxandi á liðnum árum. Kynning fór fram í mörgum kirkjum á liðnu starfsári og leitað er til okkar eftir efni um kristniboð okkar Íslendinga. Kristniboðssambandið fær styrk úr Kirkjumálasjóði upp á tvær milljónir króna. Samskot til starfs okkar eru tekin reglulega í Grensáskirkju og Hallgrímskirkju í Reykjavík og við allar Tómasarmessur í Breiðholtskirkju en SÍK er í samstarfi um þær. Mörg prófastsdæmanna styrkja okkur og er framlag Reykjavíkurprófastsdæmis eystra myndarlegast eða 500 þúsund krónur á liðnu ári. Einnig hafa margir söfnuðir Þjóðkirkjunnar stutt starfið en mest komið frá Hallgrímskirkju og Grensáskirkju m.a. vegna samskota.

Starfsmenn hafa átt mjög gott samstarf við kærleikspjónustusvið Biskupsstofu. Jón Pálmi Davíðsson var fulltrúi SÍK á leikmannastefnu þjóðkirkjunnar í apríl.

Framkvæmdastjóri SÍK er formaður nefndar þjóðkirkjunnar um kristniboð og hjálparstarf sem skipuð er af kirkjuráði til að efla skilning á þeim málum innan kirkjunnar.

Sr. Jakob Á. Hjálmarsson sinnir tengslum milli safnaða hér heima og úti á kristniboðsakrinum, einkum í Keníu. Á annan tug sókna hafa tekið að sér vináttusamband undir heitinu Söfnuður til safnaðar. Full ástæða er til að leitast við að styrkja þessi tengsl og minna á mikilvægi þeirra.

LINDIN OG SAMKIRKJULEGT STARF

SÍK styður útvarpsstöðina Lindina með mánaðarlegu framlagi og einnig flytja starfsmenn og sjálfbóðaliðar Kristniboðssambandsins þar hugleiðingar, kynna starfið eða sinna dagskrárgerð. Lindin auglýsir fúslega samkomur og annað sem um er að vera á vegum SÍK. Við þökkum þann samstarfsanda sem þar ríkir.

Hið íslenska biblíufélag fagnar 200 ára afmæli í ár og stóð félagið, í samstarfi við SÍK, fyrir máls-

stofu um Ólaf Ólafsson kristniboða í apríl. Rúmlega 100 manns sóttu málstofuna. Ólafur var erindreki Biblíufélagsins um tíma og félagið hefur tengst Kristniboðssambandinu með ýmsum hætti á liðnum áratugum, m.a. með stuðningi við þýðingu Biblíunnar yfir á konsó-mál.

SÍK tekur einnig þátt í samkirkjulegum bæna-stundum sem haldnar hafa verið í Friðrikskapelli frá því í ágúst 2008. Beðið er fyrir þjóðinni og ráðamönnum hennar.

SÍK var þátttakandi í verkefninu Kristsdagur í fyrra. Um var að ræða samkirkjulegan bænadag í Hörpu 27. september. Komið var saman með dagskrá í þrem hlutum þar sem beðið var fyrir landi og þjóð og flestum sviðum samfélagsins. Auk þess var á dagskrá fjölbreytt tónlist, söngur og ritningarlestur. Allir þátttakendur voru afar ánægðir með daginn. Framkvæmdastjóri SÍK hefur verið formaður Alfa á Íslandi undanfarin ár. Vonandi tekst að efla Alfa-starfið á komandi misserum en um er að ræða öflugt tæki til að koma innihaldi og boðskapi kristinnar trúar á framfæri.

Kristján Þór Sverrisson er fulltrúi SÍK í undirbúningsnefnd Global Leadership Summit (GLS) ráðstefnu sem haldin hefur verið undanfarin ár í byrjun nóvember. Í haust er stefnt að fjölmennari ráðstefnu en verið hefur hingað til og verður hún í Háskólabíói.

MANNÚÐARSAMTÖK Í ÞRÓUNARSAMVINNU

SÍK er í óformlegu samstarfi átta mannúðarsamtaka í þróunarsamvinnu. Hist er þrisvar á ári, eða oftast ef þörf krefur, og rætt um sameiginleg hagsmunamál. Framkvæmdastjóri hefur einnig setið í Samstarfsráði um alþjóðlega þróunarsamvinnu á vegum utanríkisráðuneytisins sem er ráðherra til ráðgjafar um þann málaflokk.

Kristján Þór Sverrisson tók þátt fyrir hönd SÍK, eins og undanfarin ár, í undirbúningi fyrir verkefnið Þróunarsamvinna ber ávöxt.

5. FJÁRMÁL OG SKRIFSTOFA

SKRIFSTOFA OG AFGREIÐSLA

Skrifstofa og afgreiðsla SÍK er í Miðbæ við Háaleitisbraut, 2. hæð, fyrir neðan Kristniboðssalinn. Kristín Bjarnadóttir sinnir daglegum störfum gjaldkera en Ragnheiður Arnkelsdóttir bókhaldi.

BASARINN

Basarinn, nytjamarkaður Kristniboðssambandsins er í Austurverri. Heildartekjur voru tæpar átján milljónir í fyrra en þá er ekki reiknað með launa- eða húsnæðiskostnaði. Rauntekjur eru um helmingur þeirrar upphæðar. Karl Jónas Gíslason hefur daglega umsjón með markaðnum en fjöldi sjálfboðaliða aðstoðar við verðmerkingu, tiltekt og afgreiðslu. Á sama stað eru einnig bækur bókaútgáfunnar Salts og aðrar kristilegar bækur, innlendar og erlendar.



FJÁRMÁL

Kristniboðssambandið fær tekjur sínar að mestu leyti frá trúföstum velunnurum starfsins. Notuð frímerki og erlend smámynt eru góður tekjustofn. Magn frímerkja sem okkur berst eykst ár frá ári. Það er mikil vinna að koma þeim í verð en Jarle Reiersen sinnir þeirri vinnu af mikilli trúmennsku. Er honum hér með þakkað kærlega fyrir fórnfúst sjálfboðastarf sem og hópi fólks sem hefur klippt merkin af þegar þau eru ekki seld á umslögunum. Undanfarin ár höfum við í janúarmánuði verið í samstarfi við Íslandspóst um söfnun umslaga og frímerkja á afgreiðslustöðum Póstsins. Tekjur af frímerkja- og myntsölu í fyrra var tæpar 2,8 milljónir.

Hautmarkaðurinn var haldinn í september og skilaði um 530 þúsund krónum. Verkefnið Látum skóna ganga aftur skilar einnig tekjum á hverju ári. Sjálfboðaliðar, einkum úr Kristniboðsfélagi karla, hafa aðstoðað við að flytja skó milli gáma fyrir útflutning. Gerð var tilraun við að safna notuðum fatnaði sem gengur af á Basarnum og voru tveir slíkir sendir út en breyttar aðstæður hafa gert okkur erfiðara fyrir en áður. Eimskip hefur flutt gámana á góðum afsláttarkjörum. Tekjur af fata- og skógámum í fyrra var rúmar 4,5 milljónir.

Heildartekjur ársins 2014 voru um 63,5 milljónir. Gjafir einstaklinga, félaga og kirkna var um 28 milljónir (Þar af 2 milljónir frá Kirkjumálasjóði, 675 þúsund frá Hallgrímskirkju og 500 þúsund frá Reykjavíkurprófastsdæmi eystra), sala á vöru og

þjónustu (Basarinn, frímerki, skógámar o.fl) 27,9 milljónir. Heildargjöld ársins með vaxtakostnaði voru um tæpar 65 milljónir. Heildarfjárhagsáætlun yfirstandandi árs er um 75,7 milljónir króna.



DAKKARORÐ



Við þökkum öllum sem tengjast Kristniboðssambandinu með beinum eða óbeinum hætti og hafa lagt starfinu lið með fjárframlögum, munum á Basarinn, sjálfboðinni vinnu, fyrirbænum og öðru sem hefur orðið starfinu til eflingar. Í þessari skýrslu hafa sum nöfn verið nefnd og önnur eru ónefnd. Við þökkum hverjum og einum og biðjum þeim blessunar Drottins og að hjörtun fyllist gleði yfir því að fá að leggja sitt af mörkum svo ávöxtur starfsins verði enn ríkulegri. Jesús sendi lærisveina sína, kirkju sína, út um heiminn til að gera fólk að lærisveinum. Mættum við áfram vera trúföst og þjóna Drottni með gleði, boða fagnaðarerindið og kærleika Guðs í Jesú Kristi og þjóna náunganum í kærleika.

Ég minnst stöðugt fyrir augliti Guðs vors og föður hve mikið þið starfið í trúnni, stríðið í kærleikanum og eruð staðföst í voninni á Drottin vorn Jesú Krist. (1. Þess 1.3)

F.h. stjórnar og starfsmanna SÍK (Kristniboðssambandsins)

Ragnar Gunnarsson framkvæmdastjóri





SAMBAND ÍSLENSKRA KRISTNIBOÐSFÉLAGA
HÁALEITISBRAUT 58-60,
108 REYKJAVÍK
SÍMI: 533 4900
TÖLVUPÓSTUR: SIK@SIK.IS
SIK.IS